

საპატრიარქოს პრესსპიკერი ბათუმის კონფერენციაზე – ჩვენთვის მნიშვნელოვანია, რომ გვექონდეს პირდაპირი კომუნიკაცია საერთაშორისო ორგანიზაციებთან



ჩვენთვის მნიშვნელოვანია, რომ გვექონდეს პირდაპირი კომუნიკაცია საერთაშორისო ორგანიზაციებთან, – ამის შესახებ საპატრიარქოს პრესსპიკერმა, დეკანოზმა ანდრია ჯალმაიძემ ჟურნალისტებს ბათუმის საერთაშორისო კონფერენციაზე საუბრისას განუცხადა.

როგორც მან აღნიშნა, საპატრიარქო მზად არის გახსნას კარი საერთაშორისო ორგანიზაციებისთვის, რათა მათ ეკლესიასა და ეკლესიის პოზიციაზე ჰქონდეთ სწორი წარმოდგენა და არ იყოს ინტერპრეტირებული სხვა ადამიანების მიერ.

„ჩვენთვის მნიშვნელოვანია, რომ გვექონდეს პირდაპირი კომუნიკაცია საერთაშორისო ორგანიზაციებთან, მსგავსი კონფერენცია არის ამის ძალიან კარგი საშუალება. ჩვენ ვესაუბრეთ ელჩებს, ევროკავშირის კომისარს. მნიშვნელოვანია რომ ეკლესიასა და

ეკლესიის პოზიციებზე ჰქონდეთ სწორი წარმოდგენა ჩვენგან და არა შუამავლების საშუალებით იმიტომ, რომ გზაში ინფორმაცია ყოველთვის იცვლის თავის ფორმას და ხშირად თუ კომუნიკაციაში არის ნაკლებობა, ვიღაცა თავის ინტერპრეტაციით ავსებს, ამიტომ ჩვენ შემდგომშიც შევეცდებით, რომ გვქონდეს ღია კარი იმისთვის, რომ სრულყოფილი კომუნიკაცია შედგეს ყველასთან“, – განაცხადა დეკანოზმა ანდრია ჯალმაიძემ.

interpressnews.ge